



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Vnser L. Frawen Kindbethschatz**

**Cölln, 1660**

Von der sechsten andern Jungfrawen Barmhertz.

[urn:nbn:de:hbz:466:1-46834](https://nbn-resolving.org/urn:nbn:de:hbz:466:1-46834)

fraw mit dem Kindlein zu lieblosen / vnd spricht: Meine Seel ist ganz zerflossen / als bald der Außerwehlete hat angefangen mit mir zu reden / vnd mein hertz ist worden als ein schmelzendes Wachs in mitten meines Leibs / da mein allerliebster mir so freundlich hat zugesprochen.

Von der sechsten Jungfraw / Barmherzigkeit.

**S**o auch das höret die sechste Jungfraw / genant Barmherzigkeit / so machet sie ein gutes Müßlein / zu speissen das edle Kindlein. Auch spricht die Jungfraw Bütigkeit mit freuden zu der edlen Jungfraw Barmherzigkeit: Siehe du meine allerliebste Schwester meinen allerliebsten Herrn / gib ihm zu essen. Vnd solches geschieht alsdann / wann man seine Glieder speiset / sonderlich mit der geistlichen Speiß / die dann ist das Wort Gottes / davon das Kindlein frölich wird / vnd lachet die Barmherzigkeit an / vnd spricht: Mich hat gehüngert / vnd du gabst mir zu essen: das ist / was du dem wenigsten auß dem  
meint-

meinigen hast gethan / des nehme ich mich an /  
als hettest du mir es selber gethan.

Darnach soll das Kindlein vmbgetra-  
gen werden / als S. Paulus spricht:  
Traget Gott in ewerem Herzen.

Von der siebenden Jungfraw /  
Vnderthänigkeit.

**S**ie Jungfraw / genant Vnderthä-  
nigkeit / nimbt das Kind / vnd truckt  
es an ihr Herz. Das ist also zu verstehen:  
Man soll das Kindlein Jesus in voll-  
bringung seiner Gebott nit auffnehmen  
auff den rücken / hinder das herz / als eine  
schwäre bürde / sondern an die Brust vnd  
auff die Armen guter würckung / Als er  
dann begehrt von seinem Gemahl / vnd  
spricht : Läge mich als ein zeichen auff dein  
Herz / vnd auff deinen rechten Arm. Als dann  
muß die Jungfraw für sichrig sein / damit  
sie sich nicht stosse an die Stein der unge-  
horsamkeit / dann sie möchte dem edlern  
Kindlein bald einen schaden thun / daß es  
ihr gar stürbe.

Also hat man nun verstanden / wie die  
Reinigt